

OLANZAPINA

PSE MË ËSHTË REKOMANDUAR OLANZAPINA?

Trajtimi kundër kancerit që do të merrni mund të shkaktojë të përziera ose të vjella. Ne bëjmë gjithçka që mundemi për të reduktuar këtë efekt anësor. Olanzapina është shumë efektive në reduktimin e të përzierave dhe të vjellave, edhe nëse merret në doza të vogla, dhe është pjesë e rëndësishme e kujdesit tuaj.



ME ÇFARË MUND TË PËRBALLEM KUR TË SHKOJ NË FARMACI?

Olanzapina fillimisht u miratua për personat me një sëmundje mendore të caktuar. Farmacisti mund t'ju tregojë arsyen fillestare për të cilën është përdorur bari kur t'i jepni recetën ose kur të merrni barin. Duam që të jeni të përgatitur për këtë. Do të ishte mirë t'i tregonit farmacistit tuaj arsyen pse ju është rekomanduar olanzapina dhe se ekipi juaj i trajtimit të kancerit po jua rekomandon këtë bar për një arsye krejtësisht të ndryshme. Ky miratim fillestar për barin nuk bën që kompania juaj e sigurimit ose regjistri juaj mjekësor të mendojë që keni sëmundjen e caktuar mendore në fjalë kur të merrni barin e rekomanduar.

PO EFEKTET ANËSORE?

Pothuajse të gjitha efektet anësore të renditura për këtë bar shfaqen te personat që marrin doza më të larta të tij dhe që e marrin atë çdo ditë për shumë vite. Personat që marrin olanzapinë për shkak të kimioterapisë, zakonisht nuk kanë efekte anësore të tjera përveç lodhjes. Për këtë arsye, shpesh rekomandohet marrja e saj në mbrëmje.



A ËSHTË OLANZAPINA NJË BAR QË MBULOHET NGA SIGURIMET? A ËSHTË I SHTRENTJË?

Ky bar është shumë më i lirë se barnat e tjera që përdoren për të parandaluar efektet anësore të kimioterapisë. Çmimi i një pilule është rreth 20 centë. Shumica e sigurimeve e mbulojnë koston, por nëse sigurimet nuk e mbulojnë, ju mund të zgjidhni gjithashtu ta paguani vetë.

KËTO FAQE INTERNETI MUND T'JU NDIHMOJNË PËR TË MËSUAR MË SHUMË RRETH TË PËRZIERAVE DHE TË VJELLAVE QË SHKAKTOHEN NGA TRAJTIMI KUNDËR KANCERIT:

Instituti Kombëtar i Kancerit (National Cancer Institute) - www.cancer.gov

Shoqata Amerikane e Kancerit (American Cancer Society) - www.cancer.org

Shoqata Amerikane e Onkologjisë Klinike (American Society of Clinical Oncology) - www.cancer.net

Rrjeti Kombëtar Gjithëpërfshirës për Kancerin (National Comprehensive Cancer Network) - www.nccn.org